

PEMBAHAGIAN PUSAKA (FARAID)
MENURUT AMALAN PERPATIH SECARA UMUM
PERRBANDINGAN DENGAN PUSAKA ISLAM

JABT. PENG. PEMBANGUNAN KELUARGA
UNIVERSITI PERTANIAN MALAYSIA
SERDANG
MAC 1996

PEMBAHAGIAN PUSAKA (FARAID) MENURUT AMALAN PERPATIH
SECARA UMUM
PERBANDINGAN DENGAN PUSAKA ISLAM.



Nama : Mohamad Fauzi b. Alias
No. Matrik : 43353
Program : Bac. Pendidikan
(Bimbingan & Kaunseling)
Universiti Pertanian Malaysia.

PENGHARGAAN

Kesyukuran yang tidak terhingga dipohonkan kehadiran Illahi yang telah mengurniakan kekuatan serta hidayat kepada hambanya yang daif sehingga selesainya penulisan ini.

Terima kasih dan sekalung penghargaan untuk En. Norhalim Hj. Ibrahim yang banyak membimbing, memerhati serta membantu penulis di dalam usaha menyiapkan latihan ilmiah ini. Kepada yang bekerjasama, semoga segala ilmu dan pendidikan yang dicurahkan mendapat ganjaran Allah.

En. Jamal dan Ustaz Alimad Zaidi, terima kasih kerana memberi jasa baik bagi membantu penulis memahami lagi penulisan ini.

Sesiapa juga yang terlibat menyumbang tenaga dari segi material dan spiritual. Harapan agar Allah berikan ketabahan dan keyakinan kepada semua.

Kepada semua pengarang buku-buku, kertas-kerja dan sebagainya yang telah penulis gunakan sebagai bahan latihan ilmiah ini, terima kasih diucapkan. Segala kesilapan penulis di dalam mengubahsuai, penyalinannya harap dimaafkan.

Walaupun latihan ilmiah ini mengandungi serba kekurangan dan kecacatan, penulis masih mengharapkan supaya apa yang baik daripadanya itu dijadikan panduan dan pengajaran, segala yang kurang dijadikan tauladan serta harap dimaafkan. Mudah-mudahan ianya dapat dimanfaatkan.

“Ya Allah, ampunkan hambamu ini”.

Ikhlas,



Hj. Mohamad Fauzi b. Hj. Alias

No. Matrik : 43353

Program : Bac. Pendidikan Bimbingan & Kaunseling.

Tarikh : 25 Mac 1996.

Kandungan

Halaman

Penghargaan	i
Isi kandungan	ii
Pendahuluan	iii
Sinopsis	vii

BAB I

1.1 Sejarah Kedatangan Adat Perpatih

1.11 Asal-usul adat Perpatih secara umum	1
1.12 Negeri-negeri yang mengamalkan adat Perpatih	7
1.13 Islam dan Adat di Tanah Melayu	11

BAB II

2.1 Amalan Pembahagian Pusaka menurut Adat Perpatih

2.11 Kedudukan harta pusaka di dalam adat Perpatih	16
2.12 Jenis-jenis harta pusakadan pembahagiannya.	29

BAB III

3.1 Perbandingan dan Pandangan

3.11 Pandangan Islam terhadap amalan pembahagian pusaka menurut adat Perpatih. Perbandingan.	39
3.12 Penyelesaian	44
3.13 Kesimpulan dan Penutup	46
3.14 Sumber Rujukan	52

Pendahuluan

Masalah pusaka adalah amat penting di dalam fiqh Islami. Dengan itu didapati fuqaha' Islam begitu bersungguh-sungguh membahaskan masalah-masalah yang berkaitan dengan pusaka, menjadikannya suatu ilmu yang khusus. Daripadanya diketahui syarat-syarat pusaka, sebab-sebab perkara-perkara yang menegah daripada pusaka dan hak-hak terhadap harta peninggalan secara itu boleh mewarisi dan sebaliknya, mengetahui bahagian waris-waris dan sebagainya. Memperolehi pusaka merupakan setinggi-tinggi ilmu syariat yang banyak memberi faedah. Ilmu pusaka yang dimaksudkan itu ialah yang berdasarkan al-Quran dan al-Sunnah serta ijmak, inilah ilmu yang begitu diberatkan untuk umat Islam mempelajarinya. Syarat menentukan mempelajari ilmu pusaka (faraid) itu fardu kifayah.

Oleh itu di samping al-Quran menerangkan secara terperinci mengenai pembahasannya, didapati banyak sekali hadis-hadis Rasulullah SAW yang menganjurkan manusia supaya mempelajari ilmu pusaka ini dan mengajarkannya. Ianya dinyatakan oleh Rasulullah sebagai sebahagian daripada ilmu dan cepat hilangnya dari ingatan :

عن عبد الله بن عمرو أن رسول الله
(ص) قال : العلم ثلاثة

وما سوعا زنتك قضد :
أية محكمة أو سنة عامة
أو خريفة عارلة

(رواه أبو داود وأبو داود)

Islam begitu memandang hina kepada ilmu pusaka yang bercanggah dengan prinsip yang telah ditetapkan oleh perundangan Islam. Seperti yang dimaklumi terdapatnya sistem pusaka amalan masyarakat sebelum kedatangan Islam juga ciptaan moden yang mengandungi ciri-ciri pertentangan dengan pusaka Islam. Dengan ini Islam inginkan segala ilmu pusaka yang bercanggah serta tidak menepati dasar perundangan Islam ini dihapuskan dengan segera. Semuanya ini dilakukan demi menjaga keutuhan hubungan kekeluargaan Islam dan menghindarkan dari berlakunya kesan-kesan negatif hasil dari pembahagian itu.

Di dalam penulisan ini, penulis cuba melihat kepada salah satunya sistem pusaka hasil ciptaan manusia iaitu di dalam adat 'Perpatih'. Penulis agak tertarik untuk melihat secara dekat mengenai sistem ini memandangkan hanya inilah satu-satunya sistem yang masih lagi mengikut peraturan yang telah dibuat oleh nenek-moyang mereka dahulu dan tetap bertahan hingga kini. Boleh dikatakan ianya suatu sistem yang unik iaitu menetapkan pembahagian pusaka menurut keturunan ibu (perempuan). dari sini timbullah berbagai anggapan masyarakat terutama luaran terhadap adat Perpatih dan pengamalannya. Oleh itu kita akan melihat sejauhmana sistem ini diamalkan kini, apakah pembahagian berdasarkan keturunan perempuan itu hanya pada harta-harta tertentu dan sebagainya yang berkaitan dengan sistem ini.

Di dalam Bab I, secara umum dan ringkas diterangkan mengenai asal-usul adat Perpatih, kerana untuk mengenal dan mengkaji sesuatu itu tentu sekali memerlukan latar belakangnya. Penulis tidak menjelaskan perkara ini secara mendalam kerana bukan itu tujuan penulis. Kemudian dinyatakan juga bagaimana kedatangan dan kemunculan adat ini di Tanah Melayu, melahirkan pula berbagai-bagai suku-perut yang didapati sampai sekarang. Mereka yang berhijrah dengan membawa bersama adat Minangkabau ini telah membuka penempatan-

penempatan, akhirnya membentuk daerah-daerah dan negeri yang terdapat di dalamnya masyarakat pengamal adat Minangkabau ini. Seperti yang diketahui, tidak semua daerah di Negeri Sembilan ini mengamalkan adat Perpatih dan kemungkinan juga terdapatnya masyarakat Minangkabau di negeri-negeri lain berpandukan faktor sejarah. Dilihat juga hubungan antara adat dan Islam di Tanah Melayu.

Bab II, diterangkan kedudukan harta pusaka di dalam adat Perpatih, bagaimana kedudukan pihak lelaki dan perempuan di dalam hal ini. Bagaimana yang dinyatakan 'pengutamaan' kepada perempuan itu, apakah lelaki tidak mempunyai hak langsung? Jenis-jenis harta pusaka dinyatakan dan harta manakah yang menurut garis keturunan perempuan sebenar. Di dalam pembahagian menurut sistem adat yang terlalu susah dan sukar untuk dihapuskan ini, sifat reda-meredai perlu ditanamkan di dalam jiwasetiap waris. Telah difahami dan dimaklumi, perubahan terhadapnya terlalu payah kerana ianya telah diamalkan sejak zaman berzaman, terdapat di dalamnya ketua-ketua adat dan pihak yang masih berpegang teguh dengan sistem ini. Telah dibentuk satu corak peraturan dan pemerintahan yang tersendiri, sudah tentu perubahannya menyebabkan timbulnya pula berbagai kerumitan. Jadi, apa yang sepatutnya dilakukan ialah supaya tidak bersifat tamakkan harta, berlaku adil serta amanah di dalam masalah ini, agar terhindar segala keburukan dan kesan yang boleh menjejaskan hubungan persaudaraan dan kekerabatan.

Bab III, Islam telah menghapuskan sistem ini secara beransur-ansur dan akhirnya diperjelaskan dengan mendalam dan terperinci tentang pusaka Islam, membatalkan segala adat

jahiliyyah yang bercanggah dengan prinsip Islam itu. Di dalam bab ini diterangkan mengapa sistem adat Perpatih itu bercanggah dengan pusaka Islam, pandangan masyarakat umum terhadapnya serta penyelesaian masalah ini.

Kesimpulannya, sesungguhnya sistem perundangan Ilahi sahajalah yang mempunyai kesempurnaan dan keunggulannya. Semua perkara akan dapat diselesaikan dengan kembali kepada al-Quran dan al-Sunnah.

Sinopsis

Masyarakat di mana sahaja berada tetap memandang tinggi terhadap harta lebih-lebih lagi harta itu suatu yang bernilai seperti tanah pusaka. Masalah akan dihadapi oleh sesiapa jua yang ada memiliki harta. tuntutan oleh waris-warisan dilakukan seboleh-bolehnya untuk mendapatkan harta pusaka, samada mereka itu waris yang jauh atau yang dekat. Apabila disebut '*tanah pusaka*' masyarakat umum terus akan mengarah kepada '*adat Perpatih*' di Negeri Sembilan, disebabkan sistem pusakanya yang berlainan. Adat Perpatih yang mengutamakan anak/pihak perempuan di dalam pusaka, melahirkan berbagai-bagai anggapan masyarakat umum mengenai adat Perpatih, terutamanya perempuan-perempuannya yang dianggap suka membolot harta dan sebagainya. Melalui penulisan ini, kita cuba meninjau secara dekat mengenai pembahagian itu. Apakah semua harta itu diwariskan kepada perempuan. Bagaimana perselisihan tentang harta boleh terjadi, dapatkah perkara ini diselesaikan sesama mereka. Apakah cara penyelesaiannya. Islam memandang harta itu sebagai hak Allah dan hendaklah manusia sama-sama mempergunakannya. Islam melarang mengambil harta orang lain tanpa haknya. Pentingnya pembahagian pusaka menurut syariat Islam yang telah ditentukan pembahagiannya. Tujuannya supaya tidak berlaku sebarang kerenggangan perhubungan kekeluargaan. Ketetapan Allah dan Rasulnya sahajalah yang dapat menjamin kebahagiaan dunia dan akhirat.

BAB II

2.1 AMALAN PEMBAHAGIAN PUSAKA MENURUT ADAT PERPATIH.

2.11 Kedudukan harta pusaka di dalam Adat Perpatih.

Jika di dalam masalah perkahwinan dan perceraian hukum syarak besar pengaruhnya atas hukum adat Perpatih, maka dalam masalah perwarisan serta pembahagian harta hukum adat Perpatih tetap bertahan dan jarang sekali dipengaruhi oleh peraturan lain, terutamanya mengenai tanah. Menurut konsep umum adat Perpatih, sistem kewarisannya adalah bersifat kolektif, iaitu setiap ahli waris tidak mempunyai hak milik atas harta peninggalan atau harta pusaka, tetapi hanya mempunyai hak pakai.¹ Pada dasarnya harta pusaka ialah harta kepunyaan suku/perut.² Suku dianggap sebagai pengawal harta dan setiap ahli suku berhak terhadap adat itu.

Tanah pusaka iaitu yang turun temurun di dalam suku itu tidak boleh dijual beli.³ Ianya merupakan warisan mengikut susur galur keturunan perempuan. Hak mereka cuma disebut sebagai '**ganggan nan beruntuk**', boleh dipindah hak milik kepada yang lain tidak boleh ditukar nama.

Pusaka ini hanya boleh dipindah milik di dalam suku dan keizinan Lembaga adalah diperlukan pada sebarang penjualannya terhadap harta itu.⁴ Harta pusaka yang diwariskan itu

¹ Abdullah Siddik, Pengantar Undang-undang Adat di Malaysia (Kuala Lumpur : Universiti Malaya, 1975), hlm. 116.

² Nordin Selat, Sistem Sosial Adat Perpatih, hlm. 113.

³ M.B.Hooker, ed., Readings in Malay Adat Laws, hlm. 189.

⁴ M.B.Hooker, Adat Laws in Modern Malaya, hlm. 23.

biasanya mengandungi tanah kampung, tanah sawah dan sebuah rumah adat.¹

Organisasi bersuku dan perkahwinan bercorak *exogami* telah menjadikan suatu yang amat penting dalam menetapkan hak milik tanah kepada kaum perempuan yang dianggap sebagai ahli yang kekal di dalam masyarakat adat. Tanah pusaka ini kekal di dalam perlindungan kaum perempuan di dalam suku. Untuk mencapai maksud ini, adat telah menetapkan setiap ahli perempuan mendapat hak bersama terhadap sebidang tanah adat. Mereka dianggap waris pusaka. Tanpa harta pusaka, seorang perempuan itu tidak ada tempat dalam adat Perpatih, dianggap anak dagang.²

*Nyawa terletak di atas badan
Badan terletak di atas tanah*

Pengurniaan tanah pusaka ini adalah sebagai penghargaan terhadap kedudukan kaum perempuan.³

¹ Ahmad Mohd Ibrahim, "Islam Customary Law/Malaysia", hlm. 45.

² Mohd Din Ali, "Two Forces in Malay Society," hlm. 33.

³ Di dalam buku 'Asal-usul Adat Perpatih Negeri Sembilan' dinyatakan waris Pesoko itu ialah yang menjadi penggalang badan (perempuan). Setelah Perpatih menyusun adat di Negeri Sembilan, baginda pun bertitah : 'Mulai dari hari ini segala harta tanah pusaka hendaklah diberikan kepada waris pesoko (perempuan) kerana dia bersifat lemah dan dia juga telah dapat menebus malu bapa saudaranya semasa bahteranya hendak belayar dahulu'. Semenjak itu anak-anak perempuan digelar *waris pesoko pentawar sedingin, peti bernian*. Pentawar sedingin bererti lemah-lembut dan manis mulutnya. Peti bernian bererti tempat simpanan benih keturunan iaitu sebagai ibu yang akan melahirkan zuriat nanti.

Nordin Selat pula menyatakan di dalam bukunya 'Sistem Sosial Adat Perpatih'
*"Terlebih pusaka saka
Silaki-laki menyandang pusaka
Siperempuan yang punya pusaka
Orang Semenda yang membela"*.

⁴ Nordin Selat, Sistem Sosial Adat Perpatih, hlm. 13.

Tidak ragu-ragu lagi, pernikahan tanah secara adat telah berjalan dengan baik sehinggalah kedatangan Islam kemudiannya menambahkan kekuatannya lagi. Keluarga-keluarga di daerah-daerah di Negeri Sembilan telah mendaftarkan di dalam pemilikan tanah-tanah sawah baru mereka atas nama '*Customary*'. Ini bererti tanah itu dijadikan pusaka kepada isteri dan anak-anak perempuan mereka nanti.¹ tiap-tiap tanah pusaka hanya sah sebagai tanah pusaka jika ada tanda '*Customary land*' pada gerannya.²

Sistem pusaka di dalam Adat Perpatih telah memberikan status dan penghormatan kepada kaum perempuan di dalam suku. Ianya akan menjaga kaum ibu dan anak-anak mereka daripada gejala kemiskinan dan penderitaan. Ini akan mengurangkan pergantungan mereka terhadap pihak lelaki dan suami. Sementara itu pula keluarga lelaki akan merasa senang hati dengan melihat saudara-saudara perempuan mereka diberikan kesempurnaan secukupnya. Kaum perempuan yang disebut sebagai '**bonda kandung**' yang akan melahirkan anggota-anggota masyarakat perlu ditentukan kualitasnya untuk menjamin baik-buruknya generasi akan datang :

*Kalau kurik ibunya,
Rintik anaknya.*

Pemberian tanah pusaka menjamin kehidupan mereka dan dapat mendidik anak-anak. Bagi lelaki, apabila mereka telah berkahwin, mereka akan berpindah umpama '*enau mencari sigai, enau tetap sigai berganjak*'. Pemberian tanah pusaka ini bukanlah menganggap perempuan itu lebih tinggi daripada lelaki tetapi pertolongan terhadap yang lemah. Lelaki mempunyai tenaga yang lebih akan mampu mencari rezeki yang lebih dari pihak perempuan. Mereka juga boleh

¹ Mohd Din Ali , "Two Forces in Malay Society", hlm. 32.

² Nordin Selat , Sistem Sosial Adat Perpatih , hlm. 109.

diam di mana-mana sedangkan perempuan tidak manis berpelakuan sedemikian. Perempuan sebagai maruah sesuatu suku yang perlu dijaga. Mereka perlu diberikan kedudukan ekonomi yang mantap kawalan dari lelaki. Berdasarkan keadaan yang berbeza ini menjadikan harta pusaka itu warisan kepada pihak perempuan seperti yang diketahui tanah pusaka ini boleh bertambah tetapi tidak boleh berkurangan. Membuat pertambahan terhadap harta pusaka merupakan suatu kemestian yang besar dinamakan '**pusaka tolong**'. Anggota lelaki digalakkan mencari rezeki dan membawanya pulang ke tempat asal.

Menurut adat, anggota lelaki di dalam suku terkeluar sama sekali dari memiliki pusaka. Mereka tidaklah merasa kurang berpuashati dengan keadaan ini kerana digantikannya melalui sistem perkahwinan exogami bersuku.¹ Apabila seseorang lelaki berkahwin dengan perempuan dari suku yang lain, isterinya akan menyediakan tanah, sawah dan rumah melalui perkongsian harta adat mereka. Jadi lelaki tidak perlu lagi untuk bersusah payah di dalam hal ini. Di waktu perkahwinan ini mereka akan berada di dalam tanggungjawab pihak isterinya dan memasuki suku isterinya itu. Dengan itu kita melihat seseorang ibu di dalam adat Perpatih itu akan menyediakan untuk anak-anak perempuan mereka sebuah rumah seorang di dalam kawasan tanah pusaka bagi kemudahan mereka setelah berkahwin. tidak hairanlah jika didapati banyak rumah-rumah terkumpul di dalam satu-satu kawasan tanah pusaka itu.

Anak-anak lelaki walaupun mereka tidak berhak ke atas harta pusaka adat ini, mereka juga berhak terhadap hasil tanah pusaka yang mungkin dia sendiri menanamnya atau tanaman ibubapanya dahulu.² Di samping itu ada pula harta pusaka yang disebut harta pusaka sendiri

¹ Mohd Din Ali , "Two Forces in Malay Society", hlm. 33.

² Nordin Selat , Sistem Sosial Adat Perpatih , hlm. 115.

yang dapat dibahagi-bahagikan kepada anak lelaki dan perempuan menurut jenis harta itu.¹

Anak lelaki yang tidak berkahwin mempunyai hak untuk menduduki tanah atau rumah pusaka ibu itu. Kaum bertanggungjawab di atas kesempurnaan mereka. Sekiranya tiada ibu, menjadi kewajipan saudara-saudara perempuan yang lain atau sesiapa sahaja yang menduduki tanah pusaka itu menyediakan segala kehidupan anak lelaki itu. Mereka perlu menjaga dan menguruskan seperti makan minum, tempat tinggal ketika bujang, sakit atau bercerai, kematian dan sebagainya. Oleh kerana perempuan yang memegang tampuk ekonomi semestinya mereka berhak di atas tanggungjawab ini yang dikenali sebagai 'hutang pusaka'.

Perempuan dari kumpulan keluarga (perut) membentuk satu badan berpadu, mengikat sesama melalui pertalian keturunan umum, berkongsi di dalam tradisi umum dan memiliki tanah-tanah.² Suami atau isteri lelaki di dalam satu komuniti itu pula terdiri dari berbagai suku dan tempat, tidak bersatu dari satu keturunan asal dan tidak dapat memiliki tanah.

Setiap lelaki hanya akan tinggal di tanah isterinya atau kepunyaan ibunya dan saudara perempuannya. Dia cuma mengusahakan tanah itu dan mendapat hak daripada hasilnya.³

Kaum perempuan di dalam adat Perpatih mempunyai suatu kedudukan yang besar dan kuat. Jika suami melakukan sebarang kesalahan atau jenayah, dia akan dipandang tidak baik oleh keluarga isterinya dan berkemungkinan berlakunya perceraian atau kehilangan tempat

¹ Abdullah Siddik , Pengantar Undang-undang Adat di Malaysia , hlm. 116.

² M.B.Hooker , ed., Reading in Malay Adat Laws , hlm. 185.

³ Ibid . , hlm. 27-28.

tinggal. Namun begitu keluarga isteri bertanggungjawab atas semuanya seperti kata perbilangan;

*Kusut menyelesaikan
Hutang membayar
Piutang menerima
Oleh tempat semenda
Cicir dipungut
Hilang dicari
Nyawa darah waris yang punya
Pergi laba isteri yang punya*

Adat Perpatih sebagai adat yang bersesuaian dengan kaum petani di zamannya, memberikan keutamaan harta kepada kaum perempuan tidak lain sebabnya kecuali ingin mengekalkan jaminan keselamatan harta itu sendiri. Mereka sebagai golongan yang lemah dan dalam soal rumahtangga mereka seperti kata adat "*perempuan menanti untung, lelaki mencari untung*".¹

Tanah pusaka yang tercatat pada gerannya '*Customary land*' itu, di peringkat awalnya telah dibuka oleh nenek moyang pemiliknya secara bergotong-royong. Di masa itu adat Perpatih mengakui mana-mana tanah terbiar yang telah diusahakan akan bertukar tangan dari penduduk aslinya kepada orang-orang Melayu yang lain. Mereka yang tidak memajukan tanah itu tidak berhak menghalang sebarang perindustrian dijalankan di atasnya. Sementara itu adat menentukan pembayaran gantirugi di atas pengambilan harta itu. Adat Perpatih menentukan pemilik sebenar tanah ialah penggunaanya. Pemilik asal yang tidak menjalankan kegiatan hanya mendapat peratus pembayaran yang kecil sebagai gantirugi kepada hutan kepunyaannya itu. Ini dikatakan adil. Di samping menganjurkan kemajuan negeri, di waktu yang sama ia turut membasmi kemiskinan penduduk tempatan.

¹ Abbas Ali, "Sebahagian dari Dasar Adat (tinjauan secara umum)," hlm. 15-16.

Pengusaha sebagai pemilik sebenar dinyatakan :

*Sehingkah tanah terbalik
Sehelai akan terputus
Sebatang kayu rebah.*

Segalanya ini menjadi milik pengusaha dan harta inilah yang diwariskan sebagai pusaka adat dari generasi ke satu generasi hingga kini. Harta ini tetap kekal tanpa sebarang perubahan seperti kata-kata perbilangan :

*Tak lemak oleh santan
Tak kuning oleh kunyit
Dianjak layu dicabut mati
Tak lapuk oleh hujan
Tak lekang oleh panas.*



Rumah peninggalan pusaka yang terdapat di Kampung Segu Ulu, Rantau.



Peninggalan Warisan Minangkabau - Muzium Negeri Sembilan



Peninggalan Warisan Minangkabau - Muzium Negeri Sembilan.



Peninggalan Warisan Minangkabau - Muzium Negeri Sembilan.



Peninggalan Warisan Minangkabau - Muzium Negeri Sembilan.



Peninggalan Warisan Minangkabau - Muzium Negeri Sembilan.

2.12 Jenis-jenis Harta Pusaka Dan Pembahagiannya.

Terdapat dua jenis pusaka di dalam Adat Perpatih iaitu :

1. Pusaka Benar :

Iaitu harta kepunyaan suku yang diwarisi dari ibu. Ianya terdiri daripada kepunyaan tanah-tanah kampung, sawah, dusun buah-buahan, rumah yang terletak di atas tanah pusaka. Pusaka ini berasal dari Minangkabau, dikenali dengan '**Pusaka Tinggi**' dan di dalam '*Customary Tenure Enactment*' disebut '**Tanah Adat**'. Ianya berpandukan undang-undang *Customary Tenure Enactment* yang menyatakan :

"No customary land of any interest there in shall be tranfered or leased to any other then a female member of one of the strike included in schelude B".

Harta ini adalah kepunyaan waris di dalam pengertian ahli-ahli suku. Semua pusaka benar tersebut diturunkan kepada anak-anak perempuan sahaja. Tegasnya pusaka ini diwarisi turun-temurun¹. Kebiasaannya pula rumah di atas tanah pusaka diberikan keutamaan kepada anak-anak perempuan bongsu. Perempuan sebagai pemegang amanah mempunyai hak untuk mengusahakan, mengambil manfaat daripada harta serta tempat saudara lelaki berunding diketika bujang atau bercerai. Hukum adat menentukan mereka hanya mempunyai hak petani, bukan hak individu. Harta pusaka inilah yang tidak boleh dijualbeli, tetapi kini seseorang boleh menjual atau mengadainya dengan syarat keutamaan diberikan kepada waris terdekat di dalam lingkungan sukunya sahaja. Penjualannya mesti melalui sebab-sebab tertentu dan peranan Datuk Lembaga atau Undang amat penting dan diperlukan untuk memberikan kebenaran atau di dalam apa sahaja penyelesaian tanah adat.

¹ Abdullah Siddik , Pengantar Undang-undang Adat Di Malaysia, hlm. 146.

2. Pusaka Sendiri :

Iaitu segala jenis harta benda yang diwarisi oleh anak kepada orang tuanya seperti barang kemas dan lain-lain harta carian.¹ Ianya termasuk juga tanah bukan adat yang diberikan atas nama lelaki/bapa. Di Minangkabau ia disebut '**Pusaka Rendah**' dan di dalam '*Small Estates Act*' dikenali sebagai harta '**Tanah Pusaka Kecil**'. Ianya dikawal oleh '*The Small Estates Distribution Ordinance 1972 (Revised) Act 98*' :

"The estates of any deceased person who was at the time of his death a member of a tribe shall be deemed to be a small estates, whatever its total value, and every such person shall be deemed for the purpose of this Act to have died intestate in respect of the estate".

Sistem pembahagiannya menurut faraid (hukum syarak) di mana anak perempuan dan lelaki mempunyai hak yang sama terhadap harta itu.

Di zaman penjajahan Inggeris, pendaftaran hak milik tanah dijalankan berdasarkan kepada sistem '**Torren**'. Melalui sistem ini telah dibuat suatu penyusunan pentadbiran tanah dan harta pusaka. ini berlaku di dalam tahun 1895 ketika kerajaan Negeri Sembilan berada di bawah perlindungan Inggeris dan di mana pentadbiran tanah diambil alih daripada ketua-ketua masyarakat adat. Nama perempuan telah didaftarkan sebagai pemilik tanah adat. Kemudian sistem pemilikan ini diperkuatkan lagi dengan satu undang-undang yang dibuat pada tahun 1909 disebut sebagai '*The Customary Tenure Enactment*'. setelah itu dijalankan pula beberapa pindaan menjadikan peraturan-peraturan adat Perpatih mengenai pewarisan ini suatu pembahagian yang lengkap. Melalui enakmen itu Pemungut Hasil Tanah telah diberi kuasa terhadap tanah-tanah pusaka adat menurut peraturan yang ditetapkan di dalam Undang-undang Adat. Dengan ini Lembaga tidak lagi berperanan dalam memberikan kata putus, hanya sebagai

¹ Abdullah Siddik, Pengantar Undang-undang Adat di Malaysia, hlm. 147.

saksi yang pakar untuk memberikan keterangan mengenai perkara-perkara yang berkaitan menurut adat.

'Customary Tenure Enactment' inimenetapkan 2 jenis harta iaitu :

1. Tanah pusaka Adat yang mereka istilahkan dengan *'customary land'*.
2. Harta carian yang diistilahkan dengan *'Acquired Property'*.

Kedua-dua jenis harta ini harus didaftarkan di Pejabat Tanah Daerah dan terhadap keduanya ini berlaku Adat Perpatih.¹ *'Customary land'* yang diertikan juga dengan Harta Pusaka Benar (*Ancestral Property*) ini pula menjadi milik bersama suku. Harta ini terlingkung oleh perbilangan :

*Sawah nan berjinjang
Pinang yang sayu
Lembaga yang punya*

Pengagihannya kepada kaum perempuan adalah berdasarkan kepada ketentuan alam semulajadi. Anak perempuan sebagai penerus generasi perut atau suku. Mereka juga bersifat lemah yang memerlukan jaminan keselamatan kehidupan. Dengan kerana itu harta itu diwariskan kepada perempuan, diwarisi dari ibu turun-temurun.

Pemilikan harta di dalam adat juga mempunyai hubungan dengan perkahwinan dan perceraian. Timbang rasa diperlukan di dalam menyelesaikannya.

Harta yang dimiliki itu terbahagi kepada 2 bahagian :

1. **Carian Bujang** :

Harta atau pendapatan yang diperolehi sebelum sebelum berkahwin (bujang), samada lelaki atau perempuan. Jelas harta ini kepunyaan satu suku iaitu sekiranya pemiliknya mati,

¹ Abdullah Siddik , Pengantar Undang-undang Adat di Malaysia , hlm. 148.

harta ini akan diturunkan kepada waris-waris perempuannya.

2. Carian Laki-Bini :

Didapati secara bersama oleh pasangan yang berkahwin. Boleh juga diertikan dengan ‘**sepencarian**’ memberi pengertian sama-sama mencari dan berusaha. Oleh itu dapatlah dikatakan harta sepencarian suami isteri itu ialah harta yang sama-sama dicari dan bertungkus lumus berusaha untuk mendapatkannya.¹

Jika berlaku perceraian, harta ini akan dibahagi bersama atau dua suku akan mendapatkan kepentingannya.

Semua hak milik yang diperolehi menjadi pusaka apabila ianya telah diwariskan. Apabila carian laki-bini dibahagikan atas perceraian, bahagian-bahagian itu menjadi hak milik yang tetap yang tidak boleh diwariskan kepada yang lain walaupun mereka kemudiannya tidak menjadikannya sebagai pusaka. Pembahagian harta amat penting di dalam perceraian. Menurut adat :

*Cari bahagi
Dapatan tinggal
Pembawa kembali
Sekutu belah
Suarang berageh*

Sebarang harta pembawa perlu dikembalikan menurut cara biasa tetapi perempuan diberi hak untuk memegang seluruh harta carian laki-bini. Suami perlu meninggalkan harta kongsiya kepada anak-anak daripada perkahwinan itu. Ini disebabkan menurut adat Perpatih anak

¹ Abd. Kadir Ismail, Abd. Monir Yaacob , “Harta Sepencarian Menurut Pandangan Islam”, Kertaskerja Seminar Faraid Peringkat Kebangsaan , Fakulti Pengajian Islam, UKM. (4-5 Jun 1983), hlm. 5.

menjadi milik ibu dan sukunya. Tangungjawab pada bapa terhadap anak-anak akan terhenti sama sekali mengikut adat, pemeliharaan sepenuhnya adalah kepada ibu.¹

Istilah pencarian menbayangkan usaha bersama atau carian bersama seorang isteri yang diceraikan boleh menuntut hak ke atas suaminya, samada suami itu masih hidup atau lebih tepat lagi di waktu penceraian, di atas usahanya yang telah disumbang dalam tempoh perkahwinan. Hak menuntut oleh isteri dianggap luput jika tuntutan demikian tidak dibuat dimasa hayat suami.

Dinyatakan pula harta-harta yang terkandung di dalam perkahwinan iaitu :

Carian bujang bagi lelaki disebut '**harta pembawa**'. Ianya merupakan harta perseorangan yang dibawa bersama ke dalam suku isterinya. Nordin selat menyatakan sebagai harta carian hasil titik peluh anggota lelaki berkenaan.² Harta ini termasuk juga hadiah dari ibubapa kepada anak lelaki mereka. Apabila berlaku perceraian, harta ini akan kembali kepada suami dan jika ia mati akan jatuh kepada saudara perempuannya.

Harta ini mengandungi 3 jenis:

1. Carian Bujang :

Yang diperolehi secara sendirian semasa bujang . Kalau perolehannya dengan persendiriannya, harta ini boleh dijual. Sekiranya pemberian dari ibubapa, tidak boleh dijual tanpa keizinan keluarga perempuannya.

2. Bahagian yang diperolehi daripada perkahwinan yang dahulu.

¹ Nadzim Hj. Abd. Rahman , " Cara-cara pengendalian harta sepencarian di Mahkamah-mahkamah." Kertas kerja Seminar Faraid Peringkat Kebangsaan, Jabatan Syariah, Fakulti Pengajian Islam, UKM (4-5 Jun 1983), hlm. 3.

² Nordin Selat , Sistem Sosial Adat Perpatih , hlm. 117.

3. Sebarang harta nenek moyang keluarganya (keperluan-keperluan yang diambilnya).

Carian bujang kepada perempuan pula dinamakan '**harta dapatan**'. Ianya adalah harta perempuan secara berasingan.¹ Harta ini khususnya harta pusaka yang diwarisi oleh kaum perempuan waktu dia berkahwin.² Apabila perceraian terjadi, ianya akan tinggal menjadi hak isteri. Jika perempuan ini mati, harta ini akan turun kepada anak perempuannya.

Harta ini juga mengandungi 3 jenis iaitu :

1. **Carian bujang atau janda.**

Yang dimiliki secara persendirian ketika anak dara atau janda. Telah menjadi kelaziman, perempuan berkahwin di usia muda dan tidak mempunyai harta carian sebenarnya lagi. Dia hanya memiliki '**harta dapatan**'. Walau bagaimanapun semasa janda dia boleh memiliki harta persendirian yang dinamakan '**carian bujang atau janda**'. Apabila dia mati, anak perempuan akan mewarisi secara sama rata. Jika mereka tiada akan jatuh kepada waris-waris yang lain.

2. **Bahagian yang didapati daripada perkahwinan yang dahulu.**
3. **Harta pusaka (nenek moyang).**

Harta pembawa atau harta dapatan ini perlu dinyatakan kepada keluarga pihak yang satu lagi semasa perkahwinan. Tanpa pernyataan ini akan memustahilkan untuk mendapatkan kembali harta itu apabila berlaku perceraian. Bagi harta pembawa, permohonan pemulangannya mesti dibuat pada kenduri 100 hari. Di waktu itu suami akan kembali ke tempat asalnya kerana tanpa isteri tidak memberhakkannya untuk tinggal lagi di tempat isterinya.

¹

M.B. Hooker, ed., *Readings in Malay Adat Laws*, hlm. 109.

²

Nordin Selat, *Sistem Sosial Adat Perpatih*, hlm. 117.

Mengenai perceraian hidup segala perkara mengenai perceraian dibuat semasa perceraian. Suami mengambil separuh bahagiannya daripada pencarian laki-bini dan kembali ke sukunya. Isterinya mengambil separuh bahagiannya dan tinggal bersama sukunya. Tuntutan terhadap pembahagian carian laki-bini mesti dilakukan ketika perceraian. Jika tuntutan telah dibuat di ketika ini, mereka boleh mendesak bahagian hartanya nanti.

Perlaksanaan pembahagian harta sepencarian di daerah-daerah lain adalah jelas menunjukkan seorang isteri yang bercerai berhak mendapat bahagiannya. Banyak atau sedikitnya bahagian yang diperolehi bergantung kepada adat dan amalan tempatan. Sebarang wang tunai atau harta yang dimiliki oleh pasangan yang berkahwin ialah carian laki-bini dan berkewajipan menunjukkan samada ianya pembawa atau dapatan. Harta bahagian lelaki hasil pembahagian harta carian dari perkahwinan yang terdahulu merupakan harta pembawa. Harta ini akan kembali kepada warisnya apabila dia mati.¹ Jadi perlulah dimaklumi harta carian bujang akan menjadi harta pembawa atau dapatan pada perkahwinan. Harta yang terdahulu juga menjadi harta pembawa atau dapatan kepada perkahwinan kemudiannya. Sebarang pertambahan nilai modal yang disebut '**untung**' atas usahasama suami isteri merupakan harta carian.

Peraturan pembahagian harta seseorang yang meninggal dunia menurut Adat Perpatih ialah :

1. **Harta carian bujang** .

Jika meninggal, akan diturunkan kepada perempuan yang terdekat. Pembahagiannya atas dasar samarata.

¹

Nordin Selat , Sistem Sosial Adat Perpatih , hlm. 117.

2. Harta pembawa atau dapatan .

Harta ini hendaklah dikembalikan kepada waris-waris terdekat pada suku simati (jika si mati lelaki, waris terdekatnya ialah saudara perempuan. Jika perempuan, ialah anak perempuannya).

3. Carian laki-bini.

Terbahagi kepada 3 ;

- (i) Salah seorang suami atau isteri mati tanpa anak.

Keseluruhan harta diberikan pada yang hidup sesuai dengan kata adat ;

*Cari bahagi
Mati laki, tinggalkan ke bini
Mati bini, tinggalkan ke laki*

- (ii). Suami mati meninggalkan anak. Kesemuanya turun kepada isteri dan anak-anak.
- (iii). Isteri mati meninggalkan anak.

Harta dibahagi antara suami dengan anak-anak. Pembahagian tidak semestinya sama. Dasar yang digunakan ialah bertimbang rasa terhadap anak-anak.¹

Mengenai carian laki-bini ini yang tidak termasuk ke dalam golongan 'Customary land' dapat diwariskan kepada anak-anaknya, lelaki mahupun perempuan atas dasar sama rata, kerana harta yang demikian ini tidak tertakluk kepada batasan undang-undang adat sebagai termaktub² di dalam enakmen. Kebiasaannya harta ini umpama kebun getah kepunyaan ibubapa.

Lembaga-lembaga telah bersepakat memutuskan harta yang dinisbahkan kepada carian semuanya akan dijalankan mengikut hukum syarak. Inilah harta pusaka kecil yang mengikut

¹ Nordin Selat , Sistem Sosial Adat Perpatih, hlm. 118.

² Abdullah Siddik, Pengantar Undang-undang Adat di Malaysia, hlm. 150.

sistem **Torren** yang dinyatakan oleh Mohd Din Ali, katanya :

“With the passage of time the development of the rubber industry, vast areas of fringe forest land have given way to small holdings planted with rubber. these small holdings effected under the Torrens System of survey and registration have become ordinary non customary land registered in the District Record. The customary land, those originaty from the old occupational titles, were subsequently registered in the District Roll but endorsed with the words ‘customary land’ which ensures and perpetuates the succession of these lands through female tail. Thus while customary lands are divided among the females per capita, the non- customary land are devided according to Islamic law under which the share of the male is equivalent to twice that of that female. The ratio of land hlding is therefore maintained at some semblance of equally between male and female”.

Sistem kewarisan harta pusaka kecil ini sudah menyimpang dari sistem kewarisan adat Perpatih sebagai Adat Nan Diadatkan, iaitu baik lelaki atau pun anak perempuan berhak² mewarisi harta ini. Dengan ini dapat diketahui, sistem pewarisan adat Perpatih ini bercorak kolektif disamping menjalankan juga sistem berbentuk perseorangan melalui harta carian laki-bini, sistem ini juga digunakan di dalam sistem pewarisan Islam, iaitu membahagikan harta kepada ahli waris secara individu samada lelaki dan perempuan.

Walau bagaimanapun, sistem perwarisan pusaka benar di kalangan adat Perpatih tetap berada di dalam kuasa waris atau kadim perempuan dan generasi mereka seterusnya. Ini menurut garis keturunan perempuan di dalam satu-satu suku dan bukan keturunan lelaki. adat telah menganugerahkan kepada kaum perempuan untuk mempunyai hak mutlak sebenarnya di dalam setiap perkara. Seperti yang kita ketahui, waris atau kadim di dalam adat Perpatih ini terbahagi pula kepada waris secara langsung dan tidak langsung. Harta akan diwarisi dahulu oleh waris langsung seperti anak. Waris tidak langsung seperti sepupu dan seterusnya akan

¹ Mohd Din ali , *“Malay Customary Law/Family”*, hlm. 39.

² Abdullah Siddik , *Pengantar Undang-undang Adat di Malaysia* , hlm. 152.

mengambil tempat di mana ketiadaan mereka dan ini mengikut mana-mana yang hampir.

Sekiranya tidak kedapatan langsung kedua-duanya, tanah pusaka benar ini boleh dilelong, keutamaan diberikan kepada ahli-ahli sesuku sebelum diberi kepada yang lain.

Pengangkatan mutlak (kadim adat dan pusaka) juga memberikan kepada perempuan dan anak-anaknya (samada lahir sebelum atau selepas pengangkatan) memiliki semua harta pusaka adat. Pepatah mengatakan :

*Ayam ditambat diberi makan
Orang ditarik diberi harta.*

Kesimpulannya dapat difahami tujuan utama adat ialah untuk meneruskan bentuk kesukuan melalui kaum perempuan, mencegah pemindahan harta/hak yang akan sentiasa di dalam pemeliharaan kaum perempuan di dalam sesuatu suku.

Terdapat 4 dasar utama pembahagian harta :

1. Segala harta dikuasai/dimiliki oleh suku , bukan individu.
2. Harta pencarian yang telah dipusakakan/diwariskan akan menjadi harta turunan (pusaka benar).
3. Semua harta pusaka benar dimiliki oleh kaum perempuan daripada suku.
4. Segala harta pusaka benar ialah hak milik tetap di dalam keturunan perempuan.¹

Segala peraturan terhadap seseorang dan harta ialah bagi kesempurnaan suku. Ini disebabkan suku merupakan unit sosial yang bercorak *matrilineal* dan *exogami*.

¹

Ahmad Mohd Ibrahim , "Islam Customary Law/Malaysia", hlm. 65.

SUMBER RUJUKAN

Buku Bahasa Melayu

Abdullah Siddik , Pengantar Undang-undang Adat di Malaysia , Kuala Lumpur : Universiti Malaya , 1975.

Abd. Karim Hj. Ismail , Sistem Pusaka Islam , Kuala Lumpur : Yayasan Dakwah Islamiah, 1983.

A. Samad Idris , Hubungan Minangkabau Dengan Negeri Sembilan dari segi sejarah dan Kebudayaan , Seremban : Pustaka Asas , 1970.

Abu Urwah , Wanita dan Kekeluargaan , Petaling Jaya : Pusaka Salam , 1986.

Abu Chik Mat Sarom, Abu Hassan Ahmad dan Sulaiman Idris , Asal-usul Adat Perpatih Negeri Sembilan , Kuala Pilah : Malay Press 1982.

Khoo Kay Kim , ed., Melaka dahulu dan sekarang , Kuala Lumpur : Muzium Negara , 1982.

Nordin Selat , Sistem Sosial Adat Perpatih , Kuala Lumpur : Utusan Melayu , 1976.

Norhalim Hj. Ibrahim , Negeri Yang Sembilan , Kuala Lumpur : Fajar Bakti , 1995.

Othman Ishak , Hubungan antara Undang-undang Islam dengan Undang-undang Adat , Kuala Lumpur : Dewan Bahasa dan Pustaka . 1979.

_____ , Fatwa Dalam Perundangan Islam , Kuala Lumpur : Fajar Bakti , 1981.

Buku Bahasa Inggeris

Hooker , M.B. , ed. , Readings in Malay Adat Laws , Singapore : Singapore University Press , 1970.

Hooker , M.B. , Adat Laws in Modern Malaya , London : Oxford University Press , 1971.

Kertas kerja

Abdullah Siddik , “*Adat dan Modernisasi*”, kertas kerja Seminar Persejaraan dan Adat Perpatih , anjuran Majlis Belia Negeri, Negeri Sembilan (10 - April 1974).

Abd. Kadir Ismail, Abd. Monir Yaacob , “*Harta Sepencarian menurut pandangan Islam*”. Kertas kerja Seminar Faraid Peringkat Kebangsaan , anjuran Jabatan Syariah , Fakulti Pengajian Islam , Universiti Kebangsaan Malaysia (4-5 Jun 1983).

Nadzim Hj. Abd. Rahman , “*Cara-cara pengendalian harta sepencarian di mahkamah-mahkamah*” . Kertas kerja Seminar Faraid Peringkat Kebangsaan , anjuran Jabatan Syariah , Fakulti Pengajian Islam , Universiti Kebangsaan Malaysia (4-5 Jun 1983).

Majalah

Ahmad Mohd Ibrahim , “Islam Customary Law/Malaysia” . Intisari , 2.2(1963).

Hamidi, H.A. , “Adat Perpatih Tidak Demokratis” . Dewan Masyarakat (Januari 1975).

Mohd. Din Ali , “Two Forces in Malay Society” . Intisari , 1.3. Malaysia Sociological Research Intitution (1962).

Rezwan Datuk Hj. Mohd Dom , “Adat Perpatih Tidak Demokratis Ditegur” . Dewan Masyarakat (Mac 1975).

Responden

Encik Jamal b. Mohd Ali

Penduduk Kampung Segu Ulu, Rantau, Negeri Sembilan

Tarikh : 1 Mac 1996.

Ustaz Ahmad Zaidi

Pegawai Kanan

Pejabat Agama Negeri Sembilan, Seremban.

(menggantikan sesi temuramah bagi pihak Dato' Mufti kerana keuzuran)

Tarikh : 2 Mac 1996.

Huruf Singkatan

ed. : editor (penyunting)

Ibid : di tempat yang sama.